

9.
IO. SALOMON. BRVNNQVELLI. D.

CONSILIARII AVLICI SAXO-ISENACENSIS ET GOTHANI

NEC NON ANTECESSORIS IENENSIS ET P. T.

EX-DECANI

74-3-11-7 PROGRAMMA,

QVO,

PRIVILEGIUM SAXONI.
CVMDENON APPELLANDO
ETIAM QVERELAM NVLLITATIS,
SVPPPLICATIONEM SIMILIAQVE RE-
MEDIA AD SVMMA IMPERII TRI-
BVNALIA EXCLVDERE,

OSTENDITVR,

PRAENOBILISSIMI SVMMORVM IN IVRE HONORVM
CANDIDATI

IOANN. CHRISTIANI VVAITZII

GOTHANI

INAUGVRALI DISSERTATIONI

DE

PRIVILEGIO SAXONICO DE
NON APPELLANDO AD TER-

RAS THVRINGICAS, MISNICAS ET FRAN-
CONICAS EXTENDENDO,

PRAEMISSVM.

2 1/2

LITTERIS MVLLERIANIS. 1734.

12.

34. 3. H. 7

(A. 7)

50



Nter cetera, quibus Cellissima Domus Saxonica gaudet privilegiis atque praecminentis, primum sane illa locum occupat, qua a Curijs Saxonis ad summa Imperii Tribunalia provocare non licet, quae praerogativa a CAROLO IV. Imperatore 1) omnibus Electoribus concessa, a FERDINANDO I. gloriosissimae, memoriae vero Serenissimae Domui Saxonicae anno post natum Christum MDLIX. specialiter, eam potissimum sub rationem, quod Saxonia nostra bene constitutas Curias habeat, in quibus per tres quatuorue instantias causae merita egregie, & quidem intra breue temporis spatium, magno cum

A 2

par-

1) Licet Electores Seculares, etiam ante consecutionem Aulicae Bullae privilegijs de non appellando, & de non euocando gausos fuisse, negandum non sit, quod praeceteris illustr. Dnus de LUDWIG in doctiss. ad A. B. annotat. & quidem Tom. I. p. 766. sequ. & Tom. II. p. 35. monstravit.

partium commodo ventilari possint, confirmata 1), & ad singulos Ducatus atque ditiones Saxoniac, ad illas quoque, in quibus jus Civile alias locum obtinet, extensa fuit. Quemadmodum autem de extensione huius priuilegii ad omnes terras Saxonicas

IOANN. CHRISTIANVS WAITZIVS

GOTHANVS

Iurium Candidatus Prae-nobilissimus in Dissertatione sua inaugurali: *De Priuilegio Saxonico de non appellando ad terras Thuringicas, Misnicas & Franconicas extendendo.*

Ex professo egit; Ita ab hocce argumento haud alienum esse duxi, si loco Programmatiss inauguralis: *Priuilegium Saxonicum de non appellando etiam querelam nullitatis, supplicationem similiaque remedia ad summa Imperii Tribunalia excludere*, quantum instituti ratio permittit, monstrarem.

Sunt equidem non pauci Doctores, inprimis Cameralistae, ut IOACHIM MTNSINGER 2), ANDREAS GAL-

1) priuilegium Saxonicum apud GYLMANNVM Tom. VI. Symphorem pag. 16. & apud Lünigium in Archivio Imperii Contin. II. Tom. I. rubrica *Chur und Fürstl. Haus Sachsen*. Num. 67 reperitur, Quod KNICHEN in Tract. *De Saxonico non provocandi iure & priuilegio*, qui Hanon. 1603. 4. prodiiit, DOMINICVS ARVMAEVS & CARPZOVIVS in Dissertat. de hocce Priuilegio Saxonico editis, ex professo illustrarunt. 2) Cent.

GAILIVS 3), GEORG. THEODOR. DIETERICVS 4), CASPAR. KLOCKIUS 5), IOANN. MEISCHNERVS 6), ADRIAN. GTLMANNVS 7), GVILIELM. RODINGIVS 8), WOLFFGAN. ADAM LAVTERBACHIVS 9), Vir Per-Illustris GEORG. MELCHIOR de LVDOLF 10) Camerae Imperialis Assessor gravissimus, Patronus noster honoris causa nominandus, alique, qui, ab inadmissibili appellatione ad querelam Nullitatis similiaque Iuris remedia argumentationem non procedere, adeoque, non obstante privilegio Saxonico de non appellando, tum remedium Nullitatis, tum Supplicationis a sententiis Tribunalium Saxoniorum ad suprema Imperii judicia locum invenire, contendunt, sequentibus potissimum modi rationibus. I. Quod distincta appellationis & nullitatis sint remedia II), nec minus distincta Ordinationis Cameralis de illis capita, cum Parte II. Tit. 31. usque 34. & P. III. tit. 34. usque 38. de appellatione, Tit. 40. Part. III. vero de Nullitatis processu agatur. II. Quod querela nullitatis favorabilior sit reme-

A 3 dio

II. obs. 77. & Cent. IV. Obs. 68. 3) Lib. I. Observ. 135. ibique EBERHARD FABRICIVS in Gailio enucl. 4) in not. ad Aur. Bull. Tit. XI. 5) Tom. II. Consil. 45. n. 44. 6) Tom. II. Decis. Cameral. L. II. Decis. 1. n. 66. sequ. 7) vel potius qui sub nomine Gylmanni later, PAVLVS MATTHIAS WEHNERVS T. III. Symphor. Rubrica: *Privilegium* p. 274. 8) in Pandect. Cameral. Lib. I. Tit. 21. n. 48. 9) vel potius filius eius, Camerae Imperialis Assessor, quippe qui Collegium Theoretico-Practicum Patris sui multis observationibus, imprimis in doctrina de appellationibus auxit. 10) in pererudita Comment. System. de Proc. Camerali p. 194. sequ. II) vid.

dio appellationis 1), adeoque, remota licet appellatione, deductio nullitatis non exclusa videatur 2), &, deserta appellatione, adhuc tamen remedium nullitatis superest 3) nec minus, appellatione electa, & iterum dimissa, nihilominus nullitatis remedio uti liceat 4) III. Quod verba privilegii Ferdinandini: Nicht appelliret, nicht suppliciret, noch reduciret werden soll, in keinerley Weissem: daß Ihre Liebden und deren Nachkommen Erbsantniß, Urtheil, Decret und Abschied ganz kräftig und mächtig seyn, stets bleiben, und vollstreckt werden sollen &c. universalia negatiua sint, quae restringi deberent ad id, cuius respectu proferuntur, nec ad ea, quorum diversa & separata est ratio, & quae iniquitatem continerent, extendi possent 5), sensusque privilegii, appellationem nulla ratione, in keinerley Weise admittentis, esse, ne sub externa nullitatis specie privilegio Saxonico praecudicium fieret 6). IV. Quod iniquitatis notam privilegium de non appellando effugere non posset, si ad querelam apertae nullitatis extenderetur, quodue mirum foret, si quis iudex nullitates insanabiles, praec-

MYNSING. Cent. II. obs. 77.

1) REINCKING de Regim. Secul. & Eccles. L. I. class. 4. c. 6. n. 6. unde tantus nullitatis favor dicitur, ut etiam per tres conformes sententias illa opponi possit. RACCVS in Collect. Dec. 1283. 2) cap. inter ceteras X. de sentent. & re iudic. VANTIVS de Nullit. Tit. qui possunt dic. de Nullit. SCHÜTZIUS in Colleg. Iur. Publ. Vol. I. Disp. 7. th. 26. FABRICIVS ad GAIL 1. obs. 135. 3) BACCHOV ad Treutl. Voll. II. Disp. fin. th. ult. DECKNER in Monument. lect. Camer. antiqu. p. 351. n. 4. 4) de LYNCKER. refol. 179. 5) vid. DIETERICVS ad Tit. XI. Aut. Bullae. 6) vid. doctis-

praetextu privilegii, defendere ausus fuerit. V. Quod omnia privilegia respectu tertii strictissime sint interpretanda 1), praesertim ubi de iudicio exemptionis iurisdictionis alterius agitur 2), adeoque privilegium de non appellando quibusdam Statibus Imperii vel absolute vel restrictivae i. e. ad certam summam concessum, etiam ratione summorum Imperii Tribunalium interpretationem extensivam non admittat, inprimis cum faciliores iusto praecedentes Imperatores in concedendis privilegiis de non appellando fuerint 3). VI. Quod Camera Imperialis non statim Querelam nullitatis admittat 4), sed supplicas eiusmodi examinare, & nisi nullitates Processus deprehenduntur verae, atque probabiliter offensae, petitiu denegare, ac Acta ad forum privilegiatum, etiam cum poena actoris, si de temeritate eius & calumnia constet, remittere soleat. Tandem quod VII. Exempla decretorum a Camera Imperiali Processuum, ad videndum deduci nullitates tum antiquarum recentiora non desint. Sic ADRIAN GTLMANNVS, in causa Muffers contra Rosenau Anno M D XCI. super nullitate a Curia Saxonica ad Cameram Imperialem provocatum, & citationem decretam fuisse

simus Dnus de LYDOLF. lib. cit. p. 198. 1) L. 2. §. 10. D. Ne quid in loco publ. L. 43. pr. de Vulg. & pupill. substit. CARP. ZOV. P. II. Dec. 113. n. 13. 2) ROMANVS Consil. 18. & Gylmann. T. III. Symphor. p. 272. voce Privilegium. 3) vid: Rec. Imp. Nouiss. de a. 1654. §. III. & Capitul. Carolin. art. 18. verb. In Ertheilung aber ic, 4) Per-Ilustr. Dnus. de LYDOLF. l. c. p. 195. & 198.

isse, narrat 1). Eodem modo, referente Viro Perillustri atque generosissimo GEORGIO MELCHIORE de LVDOLF 2), Anno MDXCVI. reproducta fuit citatio super nullitatibus cum compulsorialibus in causa Alberti Comitis Schwartzburgici contra Serenissimos Duces Saxonie, quia in Curia Prouinciali Ienensi vasallo Schwartzburgico a sententia Comitis appellationis Processus fuerant decreti; nec minus similem citationem cum compulsorialibus Anno MDXCVII. ob incompetentiam fori in causa Wolfgangi Comitis in Barby contra Serenissimos Duces Saxonie Lineae Coburgicae reproductam esse, idem Vir doctissimus scribit 3). Sed, hisce rationibus non obstantibus, Privilegium Saxonicum non modo omnem appellationem prohibere, sed nec supplicationem, reuisionem, reductionem; nullitatem, quaestionem suspecti, nec ullum alium prouocationis modum admittere, censeo. I. Quia verba privilegii Ferdinandi vniuersalia sunt, omnemque prouocationem plane prohibent, in verbis: Ohne weitere Verurteilung, appellation, Supplication oder reduction an unsere Vorfahren Römische Kayser und Könige, oder Unser Kayserlich Cammer-Gerichte, oder jemand's bleiben zu lassen. Item In keinerley Weise appelliret, suppliciret noch reducirt werden soll und mag. Item Da auch Jemand's von der Ehre und Fürsten zu Sachsen Erbsand.

1) In Symphoremata. T. III. Rubrica. Priuilegium pag. 274. add. Vulteius de Iudic. Lib. IV. c. 2. n. 26. 2) in Comment. de Iure Camer. p. 192. 3) Libr. & loc. cit.

Landnß; Urtheil, Decret oder Abschied, appellation, reduction oder Berufung geschehe, so sollen Ihre Liebden, deren zu deferiren nicht schuldig seyn, auch von Uns und Unsern Nachkommen in Reich und an Cammer, Gerichte nicht angenommen werden. It. Auch dieselbige appellation, reduction, supplication, und was darauf gehandelt, und fůrgenommen wurde, ganz krafftlos, untůchtig und nichtig seyn soll. Quae verba dicti Privilegii vniuersalia, nullatenus, nullo modo, nequaquam, omnia sub se comprehendunt 1), quae excogitari possunt 2), quemadmodum de verbis priuilegiorum vniuersalibus hoc specialiter Doctores 3) asserunt. II. Quod & remedii appellationis & querelae nullitatis hocce in negotio vna eademque sit ratio, nam dum omnes prouocationes Berufungen a Curiiis Saxoniciis ad suprema Imperii Tribunalia in dicto priuilegio prohibitaee sunt, etiam querelam Nullitatis similiaque remedia prohibita esse, negari non poterit. III. Quod nulla iuris & priuilegii de non appellando existat causa impulsua, quae non etiam locum sibi in causa nullitatis vendicer 4).

B

IV. Quod

1) v. cap. Solitae X. de Maiorat. & obed. L. Iulianus D. de legat. 3. FRIDER. PRYCKMANN. conf. II. n. 33. 2) v. L. verum. C. de fideic. L. B. de LYNCKER. Dec. 853. Vnde BALDVS Consil. 326. ait. *Verba vniuersalia adeo omnia comprehendere, ut nulla persona, nullus casus, nullusque locus exceptus intelligatur* add. Barbofae Thesaurus Loc. comm. voce *Vniuersale*, & KNICHEN ad Privileg. Saxon. p. 450. 3) v. Tiberius Decianus Vol. II. Consil. 35. n. 48. CRAVETTA Consil. 308. n. 6. 4) vid. CARPZOV. De Iure ac privileg. Se-

IV. Quod alias inanis esset clausula privilegio Saxonico inserta: Sondern Ihrer Liebden und deren Nachkommen Erkenntniß, Urtheil, decret und Abschiede sollen ganz kräftig und mächtig seyn, stets bleiben und vollstreckt werden, si per querelam Nullitatis in Camera vel Iudicio Imperiali Aulico decrerat Curiarum Saxonicarum impugnare, & retractare liceret §). V. Quod in Privilegiis Caesareis de non evocando & de non appellando, Celsissimae domui saxonicae datis 1), nullus alius casus, nisi denegatae iustitiae eximatur, adeoque exceptio dicti casus denegatae iustitiae alias omnino esset superflua & superuacanea, quia ille ipso iure in omnibus quibuscunque generalibus privilegiis tacite exceptus censetur, adeo, ut ne expressum qui-

rehiß. Saxon. Princip. de non appell. §. 69. §) ut recte Consiliarii Saxonici: Sintemahl sousten, da deductio nullitatis nachgelassen seyn solte, der Ehr und Fürsten zu Sachsen Urtheil und Erkenntnis ia nicht kräftig und mächtig seyn, stets bleiben, noch vollstreckt, sondern durch solche viam Nullitatis würden retractiret werden können, und würden also beydes diese und auch andere allgemeine Worte ganz vergeblich seyn, welches aber von einem privilegio, so nach vorgehender stätlicher Berathschlagung und mit so vielen praegnantibus verbis & clausulis von der Römisch Kaysers. Majestät selbst allergnädigst gegeben, gar nicht glaublich noch zulässig apud carpzov. in alleg. diff. §. 68. tithi kripfliche videantur.

1) vid. Tit. XI. Auræae Bull. §. 3. ibi: *Quamdiu querulanti-
bus iustitia non fuerit denegata*, & §. 4. ibi: *In defectum ve-
ro iustitiae* &c. c. add. Privileg. sigismundi Imperat. de non

quidem aliquod priuilegium contra illum obtineat, ex quo, Imperatores Celsissimam Domum Saxonicam in omnibus & vniuersis casibus, excepto casu denegatae & protractae iustitiae, priuilegiatam & securam voluisse, satis superque patet 2). VI. Quod Serenissimi Saxoniz Electores atque Duces non tantum priuilegio de non appellando, sed etiam ab antiquissimis temporibus, nec non, vigore Aureae Bullae 3) atque Priuilegii Sigismundi Imperatoris 1), in re de non euocando simul gaudeant, quodue hoc priuilegium antiquius sit illo, atque ab Imperatore Ferdinando I. Anno Christi MD LIX. confirmatum fuerit 2), adeoque etiam hocce ob priuilegium eiusmodi querelae nullitatum similiaque remedia pronocatoria locum non inuenire, nec Vasalli ceterique subiecti Saxonici ad aliena iudicia extra ditiones Saxonicas, nisi in casu excepto, scilicet denegatae

B 2

tae

euocando Friederico Elect. Saxon. a. 1423. datum. 2) vid. RICHTER P. L. T. 6. Consil. I. n. 46. 3) vid. Tit. XI. §. 3. & 4.

1) Quod a 1423. datum, & apud LVNIGIVM in Archivo Imperii Tom. II. Part. Spect. II. p. 258 reperitur, ibi: die dann, nach Ausweisung der gemeinen Rechten und Gütlichen Bullen, des nicht appellirens halben, privilegiret und begnadiget, & alibi: Es wäre auch unsers Vorfahren am Reich, weyland Kayser Sigismunds hochlöblichen Gedächtnis priuilegium vorhanden. 2) Quod priuilegium Ferdinandum apud GYLMANNVM Tom. VI. Symphorem. p. 16. extat,

tae & protractae iustitiae, trahi possint 1). VII. Quod, si sententia contraria admitteretur, totum privilegium Saxonicum ab arbitrio & voluntate Advocatorum dependeret, illique non erubescerent, sententiis, in Curiis Saxonice latis, nullitatem quandam affingere, nec non rubricam supplicae & narrata ad nullitates dirigere, & hocce modo ipsum privilegium, si non penitus evertere, vni tamen ei suam contra mentem Augustissimorum concedentium, atque tenorem ipsius privilegii adimere 2). VIII. Quod, posito, sed minime concesso, si privilegium Ferdinandum declaratione quadam indigeat, non tamen suprema Imperii Tribunalia, antequam illa ab Augustissimo Caesare data, interpretem privilegii Saxonici agere, illudque in sui favorem restringere possint, quia ille, qui privilegium dedit, tantum facultate, illud declarandi, pollet, & Augustissimus Imperator optimus privilegiorum suorum interpres dicitur 3). IX. Quod Cel-

sis-

1) v. RICHTER Vol. I. Part. 6. Consil. I. n. 66. & 73.
 2) rectissime hanc in rem Illustr. Dn. de LUDWIG in doctiss. annot. ad Aur. Bull. Tit. §. 1. p. 788. ait: denn die effronterie und Unbescheidenheit derer Advocaten so gross ist, daß sie diesen Thon, es wäre wider die prima principia Iuris, es reimte sich, wie eine Faust aufs Auge, und so weiter auch bey allen Urtheilen, die ihnen nicht ansiehn, anzustimmen pflegen. 3) v. Dn. STRUVIUS in S. Iur. Publ. c. XI. §. 40. & c. XII. §. 1. nec non Excell. HOFFMANNUS in dissert. *De ratione interpretandi LL. Imperii Romano-Germanici publicas*

sisfima Domus Saxonica in immemoriali possessione vel quasi iuris non appellandi, & non provocandi ad suprema Imperii Tribunalia sit, hisque, in causa Nullitatis similibusque Processus decernentibus, semper fortiter contradixerit. Quod denique X gravissimi Icti tum Saxonici tum extraneiy. g. PAVLVS MATTHIAS WEHNERVS 1), ANDREAS KNICHEN 2), IOANN LIMNAEVS 3), DOMINICVS ARVMAEVS 4), BENEDICTVS CARPZOVIVS 5), CHRISTOPHORVS RICHTERVS 6), L. B. de LYNCKER 7) aliique hancce nostram sententiam defenderint. Nec huic sententiae rationes dubitandi, supra in medium prolatae, mihi obflare videntur, nam licet quoad I. & II. remedium appellationis & querele nullitatis distincta sint remedia: atamen respectu huius privilegii pro diversis, quia ad unum

B 3

cun-

cap. 5. Unde Camera Imperialis tantum, si de violatione Privilegii Caesarei agitur, in iudicando concurrat. vid. GAIL. I. Obs. 1. & BLUMIUS in Proc. Camer. Tit. XXXIX.

1) In Quaest. Controv. & praeciud. Camer. c. 1. quae Gylmanni Symphorem, subiectae reperiuntur. 2) in Tract. supra nominato, ubi tamen multa aliena immiscentur. 3) In Iure Publico, L. III. c. 10. qui tamen sua ex Wehnero descriptit. 4) Diss. 5. ad Aur. Bull. concl. 17. & in pec. Diss. de privilegio Saxon, de non appell. quae tamen ad manus meas non pervenit. 5) In Quaest. ad A. B. disput. 6. qu. II. & in Dissert. cit. §. 66. sequi. ubi simul contrariam sententiam, quam in Comment. in L. Reg. German. c. 9. Sect. 7. n. 10. defendit, revocat. 6) In Dissert. de appellat. §. 20. 7) Decis. 193. licet antea in Tract. de gravamine extrajudiciali P. II. c. 9. §. 31. contrarium asserere non dubitaverit.

eundemque finem tendunt, haberi nequeant, &, cum omnes provocationes, Berufungen a Curiiis Saxoniciis ad suprema Imperii iudicia in privilegio Ferdinandino simpliciter, & sub gravi poena sint prohibita, respectu huius privilegii Saxonici de non appellando querelam nullitatis favorabiliorem remedio appellationis pronuntiari non posse, nemo est, qui non intelligit. III. Quia Privilegium Ferdinandinum verba universalia aus feinerley weise in se continet, cuiusmodi verba, siue sint affirmativa, siue negativa, omnem casum etiam dissimilem comprehendunt 1), in primis quando de voluntate disponentis apparet, quod casum non expressum includere voluerit 2), & exclusio effectum privilegio contrarium induceret 3), quodque omnes rationes & causae impulsivae concessi privilegii etiam ad querelam nullitatis quadrent. IV. Quia, si ejusmodi privilegium de non appellando, quod simul exclusionem querelae nullitatis in se vel expresse vel tacite continet, iniquum pronunciatur, ipsi Augustissimi Imperatores iniquitatis insimulantur, quippe qui nonnullis Imperii Statibus talia privilegia expressis verbis concesserunt. Ita Serenissimi Hassiae Principes privilegium de non appellando ab Imperatore Ferdinando II. gloriosissimae memoriae A. C. MDCXXXI. impetrarunt, quod

1) vid. KNICHEN de Saxon. non provoc. iure p. 450. 2) BRAVETTA Consil. 895. n. 19. 3) Id. l. c.

querelam nullitatis ad suprema Imperii Tribuna-
lia nominatenus excludit, in verbis: Und ob da-
rüber von einen oder mehr von einiger Urtheil, die
nicht über ein Tausend sondern nur 1000. Goldgülden
oder darunter betriefft, appelliret, suppliciret oder re-
duciret werde, welchergestalt, oder von wem das be-
schehe, um derselbigen appellation, supplication, oder
reduction, nullität Klage oder einige andere Zug
oder provocations Mittel, wie die immer gedacht o-
der genannt werden, es sey gleich in unsern Keyserli-
chen Rechten und des Reichs Sazung exprimiret o-
der nicht, von unsern oder unserer Nachkommen aus
Reiche, Keyser oder Königl. Hoff- oder Cammergerichten
&c. 1). Eodem modo privilegium de non appellan-
do Principibus Schwarzburgieis, ab Imperatore Leo-
poldo A. R. S. MDCXCVII. datum, expressis ver-
bis ad nullitatis querelam extensum fuit: In ci-
vilibus aber, da die Klage und Haupt-Sache nicht
1000. fl. Rheinisch und darüber werth wäre, so wenig
ratione nullitatis als inquiratis, weder an uns, un-
sere Nachkommen am Reich, Römischen Keysern und
Königen, noch unser oder Ihr Keyserlich Cammers
Gerichte nicht appelliren, suppliciren, noch reduciren
sollen noch mögen. Quae verba etiam in Diploma-
te Cae-

1) vid. FABRICIUS ad Gail. I. Obs. 135. & de LYNCKER,
de gravam. extraiud. P. II. c. 9. §. 31. Vnde etiam Gailius
l. c. pro cautela commendat, ut impetrantes privilegium de
non appellando, sibi etiam ratione querelae nullitatis prospici-
ant.

te Caesareo über die Standes Erhöhung des Ilhralten frey Adlichen Ritter-Geschlechts derer von Inghelheim, mit einverleibten erblichen gros-Palatinae und andern hohen Iuribus auch privilegio de non appellando, de anno 1680. occurrunt. Accedit, quod Curiae Saxonicae, dum privilegium Saxonicum de non appellando etiam querelam nullitatis similiaque remedia ad summa Imperii Tribunalia excludere asserunt, eo ipso nullitates ipsas, a iudicibus commissas, non defendant, quodve partes coram Curis Saxonis litigantes, nullitates praetenfas ibidem proponere, atque transmissionem ad Collegium quoddam Iuridicum sibi expectere, nec minus, in casu denegationis, ex capite protractae atque denegatae iustitiae ad summa Imperii iudicia recurrere possint. V. Dum Celsissima Domus Saxonica iam ab antiquissimis temporibus privilegia de non appellando & de non evocando habuit, & tantum ista ab Imperatore Ferdinando I. confirmata fuerunt, nec minus in hoc privilegio omnes provocationes simpliciter prohibita, & tandem una eademque & appellationis & querelae nullitatis hocce in negotio est ratio, merito privilegium Saxonicum etiam querelam nullitatis similiaque remedia excludere, statuitur. VI. Quia provocationes, vigore huius privilegii, a Curis Saxonis ad suprema Imperii Tribunalia simpliciter, & sub gravi poena cessare debent, nec memorata Imperii iudicia super gravaminibus appellationis

nis

nis iudicare valent, hinc eadem ratione nec cogni-
tio: An verae nullitates ad sint nec ne? ad dicta iudi-
cia pertinet. Quoniam denique VII. exempla ve-
rustiora, a Cameralistis allata, partim nihil pro-
bant, dum exemplis non iudicandum, sed legibus
& rationibus 1), et non videndum, quid Romæ
iudicetur, sed quid iudicari debeat 2), partim pe-
riculo perentis processus decreti fuerunt 3), par-
tim Celsissima Domus Saxonica statim contradixit
4), partim etiam ad deductionem in causa nunquam
per-

C

1) L. 13. De sentent. & interlocut. 2) L. 12. D. De offi-
cio Praef. 3) uti ipse GYLMANNVS Tom. III. Symphorem.
Rubrica: Privilegium p. 274. facitur. 4) Sicuti hoc litterae Se-
renissimorum Saxoniae Ducum FRIDERICI WILHELMII & IOANN.
CASIMIRI ad Caesaream Maiestatem exaratae sub dato Cobur-
gi die 6. Mart. a. 1592. nec non Rescriptum Caesareae Mai-
estatis Pragae d. 13. Iul. eiusd. anni ad Cameram Imperialem
emissum in causa Aufferßi contra Rosenau, quae apud IM-
MANUEL SVTORIVM in Tract. De non evocando & non appel-
lando p. 117. sequi. reperiuntur, satis superque confirmant.
add. litterae Serenissimi Ducis Saxo-Coburgensis ad ERNESTVM
Ducem Saxoniae Vinariersem d. 10. Nov. 1626. in causa con-
tra I. H. Wenssen, in verbis: Sonderlich pßset das Key-
serliche Cammer-Gerichte in puncto praetensae nullitatis Pro-
cess und Compulsorials zu erkennen; in massen uns zu un-
terschiedlichen mahlen, ungeachtet der nachdrücklichen clau-
seln, dem privilegio Saxonico einverleibet, auch gnugsamer
deduction begegnet, daraus wir hiebevot mit des Herrn
Churfürsten zu Sachsen lebden communiciret, ob nicht ei-
ne Doclaration zu erhalten, daran es den vorigen Regle-
renden Kaysern angestanden, aber diese Sache um die be-
schwerlichen zeiten willen, neben andern, bishero in suspen-
so bleiben müssen, quae apud Schilterum Exercit. ad ff. V. §.
6. n. b. inveniuntur, nec non Memorial aus Reich, so der
Churfürstliche Sächß. Gesandte Herr AUGUSTIN STRAVCH

peruenitum est, sed lites amicabili compositione sopitae fuerunt 1). Ansam haecce praemittendi mihi dedit vir-Iuuenis pereximius.

IOANN CHRISTIAN VVAITZIVS

Summorum in Iure bonorum Candidatus clarissimus.

Primam is vidit lucem Gothae anno huius seculi quinto, die XXII. Octobr. Parentes nactus est ERNESTVM IOANNEM WAITZIVM Steurarum receptorem, Confiliarii Saxonici WAITZII filium, matrem vero MAGDALENAM SOPHIAM FREVNDIAM, Senatoris Gothani FREVNDII filiam. Hi, primis annis pietati bonisque moribus assuetum, privatis praeceptoribus DORPTIO nimirum & SCHMIEDEKNECHTIO verbi diuini apud Brühlheimenses nunc ministro ad annum vsque XIV. erudiendum tradiderunt, quibus se multum debere profiterur, deinde Gymnasium patrum publicum frequentare iusserunt, vbi sub fidelissima informatione EISCHBECKII, LOESCHERII, & REICHARDTI Professorum dicti Gymnasii clarissimorum fundamenta studiorum iecit non contemnenda. Sic bene praeparatus, anno M DCC XXIII. Salanam nostram adiit, & postquam sub regimine Academico P. 10-

AN-

übergeben, und dict. Ratisbon. 12. August 1670. per Mogunt. & Reichsgutachten, so vor Ehr. Sachsen ausgefallen, und am 27. Sept. 1670 per Mogunt. dictiret worden, quae in Camlogo privilegiorum S. R. I. Elect. Principum & statuum de non appellando, qui Francof. 1719. 4. prodit, & quidem in eius appendice p. 32. sequ. reperiuntur.

1) vid. Per-Ilultreus Dnus de LYDOLF in Comment. de Iure Camer. pag. 199.

ANNIS HADRIANI SLEVOGTH Medicinæ Professoris quondam celeberrimi albo studioforum inscriptus, in philosophicis & Mathematicis clarissimum Philosophiæ Doctorem KÖHLERVM, nec non Professores Publicos celeberrimos WIEDEBVRGIVM, atque STRIBVM, vt & Virum summe reuerendum IO. GEORGIVM WALCHIVM S. S. Theologiæ nunc Doctorem & Professore Publicum audiuit. Satis sic pro instituto Philosophiæ disciplinis instructus, Iurisprudentiæ studium aggressus est, & in Institutionibus Iustinianæ venerandum Academicæ nostræ Seniores BRÜCKNERVM Antecessorem atque Serenissimorum Saxoniarum Ducum Consiliarium Auticum, in Iure Feudali Canonico Publico atque Iurisprudentia Practica Excellentissimum Consiliarium Aulicam Viniatensem LANGVTHVM, in Iurisprudentia denique Struviana & Iure Criminali E. Magnificum Ordinarium BECKIVM Doctores fidelissimos habuit. Collocato sic utiliter in Salana nostra tempore, vt porro augeret profectus, in florentissimam Academicam Lipsiensem A. R. S. MDCCXXVII. concessit, clauum regiminis Academici tunc tenente summe reuerendo Theologiæ Professore KLAVSINGO, ubique scholas Iuris *Griecherianas, Kurboldianas* atque *Mascebianas* sedulo frequentauit, & quæ tum ad Ius priuatum, tum publicum illustrandum in illis tradebantur, non modico suo profectu percepit. Sic cum necessariis disciplinis satis se imbutum conferet, & ea, quæ tot annis didicerat, in aliorum utilitatem transferre cuperet, com-

moda sese obtulit occasio, ut primum A. e. M DCC XXIX. a Libero Barone de BARANOFF Hereditario in *Benningby, Rappiser, Waitz & Ledigal* Liouoniam, deinceps vero ab Illustrissimo Principe Rutheno, KNEES VROSSOW dicto, totius Russsie Cancellario atque primario Senatore, nec non Civitatis S. Petersburgi Gubernatore Petersburgum, ad studia liberorum dirigenda vocaretur, quo ephori munere Praenobilissimus Dominus Candidatus apud Dominum de Baranoff per annum & sex menses, apud memoratum Principem vero per reliquum tempus summa cum laude functus fuit. Verum, cum, in patriam redire, atque Academicos prensare honores, e re sua Dominus Candidatus esse putaret, per Pomeraniam atque ceteras Saxoniae inferioris terras ad nostram Academiam rediit, & non tantum summos in utroque iure honores, a Facultate nostra decenter petiit, sed etiam solita studiorum experimenta ex lege subiit, atque, dum consensu omnium probatus, in eo, ut publicum suae eruditionis specimen sub Excellentissimi Antecessoris HERTELII praesidio ederet, iam occupatus est. Cui actui ut MAGNIFICVS ACADEMIAE PRO-RECTOR, ILLUSTRISSIMI COMITES, Proceres & hospites omnium ordinum honoratissimi, denique Generosa & Nobilissima studiosae iuventutis corona interesse velint, Collegii nostri nomine decenter rogantur, invitantur. P. P. Ienae d. Febr. MDCCXXXIV.



(L.S.)